

POZIV ZA KOMPANIJE: za učešće u programima obuke i zapošljavanja mladih u okviru projekta "ZA KARIJERU GENERACIJE Z" sa područja gradova: Bihać i Bosanska Krupa

1. Osnovne informacije

Projekt "Za karijeru Generacije Z" se provodi uz podršku Evropske unije u Bosni i Hercegovini, Švedske i Međunarodne organizacije rada (ILO). Projekt implementira PLOD Centar Bihać u saradnji sa partnerima:

- Služba za zapošljavanje Unsko-sanskog kantona (SzZ USK)
- Grad Bihać
- Grad Bosanska Krupa
- Mješovita srednja škola "Safet Krupić" Bosanska Krupa.

Cilj projekta su zapošljavanje i samozapošljavanje mladih osoba u dobi od 15 do 29 godina sa Unsko-sanskog kantona. Projekt je namijenjen neaktivnim ili nezaposlenim mladim osobama, s ravnomjernom zastupljenošću oba spola.

Aktivnosti u okviru projekta "Za karijeru Generacije Z" su dio šireg projekta "EU4Zapošljavanje", čiji je cilj poticanje zapošljavanja mladih osoba i podrška razvoju lokalnog tržišta rada.

Ovaj poziv otvoren je za kompanije koje ispunjavaju dole navedene kriterije i koje imaju potrebu za obukom i /ili zapošljavanjem mladih osoba.

Cilj ovog javnog poziva je omogućiti obuku i zapošljavanje minimalno 35 nezaposlenih mladih osoba putem dva programa:

- Program obuke na radnom mjestu
- Program subvencioniranog zapošljavanja

2. Korisnici poticaja

Korisnici programa obuhvaćaju dvije grupe:

1. Kompanije kao korisnice poticaja – Kompanije s područja Gradova Bihać i Bosanska Krupa, koje ispunjavaju uvjete za učešće u programu i koriste odobreni poticaj isključivo za organizaciju obuka ili zapošljavanje nezaposlenih osoba.
2. Nezaposlene osobe kao krajnji korisnici – Nezaposlene osobe u dobi od 15 do 29 godina, prijavljene na evidenciji nezaposlenih Službe za zapošljavanje Bihać i Bosanska Krupa, koje ostvaruju korist kroz obuku ili zapošljavanje omogućeno programom.

Načini uključivanja nezaposlenih osoba u program:
Uključivanje nezaposlenih osoba u aktivnosti programa obuke ili zapošljavanja može se realizirati na jedan od sljedećih načina:



- Putem preporuke PLOD-a i SzZ USK: PLOD u suradnji sa Službom za zapošljavanje USK može kompaniji preporučiti jednog ili više kandidata iz baze nezaposlenih osoba koji su već iskazali interes za učešćem u programu. Kompanija daje suglasnost na prijedlog.
- Putem direktne prijave kompanije: Kompanija može predložiti nezaposlene osobe koje želi uključiti u program, uz obavezu da dostavljeni kandidati ispunjavaju kriterije navedene u ovom poglavlju.

3. Programi podrške

A. Program obuke na radnom mjestu

Program je namijenjen mladima koji nemaju potrebne stručne vještine i/ili radno iskustvo za obavljanje zadataka u odabranom zanimanju.

Za realizaciju ovog programa, kompanije mogu ostvariti podršku maksimalno do 3.150 KM po polazniku obuke, na ime sufinansiranja troškova bruto plate, osiguranja na radu i drugih zakonom propisanih obveza, te naknadu za troškove transporta u skladu sa zakonom.

Obveze kompanije u okviru programa:

- Sklapanje ugovora o radu na određeno vrijeme (3 mjeseca) sa korisnikom programa.
- Organizacija i provođenje obuke u trajanju od 3 mjeseca, s obaveznih 30 sati obuke sedmično. Pri tome obuka se sastoji od min. 70% praktične obuke u radnom okruženju, odnosno max. 30% dodatnih vještina prema potrebama polaznika i kompanije.
- Provođenje završnog testa i izdavanje potvrde o završenoj obuci.
- Tokom trajanja obuke, obavezno je osigurati:
 - sigurnu radnu okolinu i adekvatnih uvjeta rada.
 - edukatora internog ili eksternog, s najmanje tri godine radnog iskustva u relevantnom području.

B. Program subvencioniranog zapošljavanja

U okviru ovog programa, kompanijama su na raspolaganju poticaji za sufinansiranje bruto plate u trajanju od 6 mjeseci. Ovisno o stepenu stručne spreme korisnika, poticaji iznose:

- 90% bruto minimalne plate za korisnike sa osnovnim obrazovanjem
- 70% bruto minimalne plate za korisnike sa srednjom stručnom spremom.
- 50% bruto minimalne plate za korisnike sa višim obrazovanjem.

Da bi ostvarile pravo na ovaj poticaj, kompanije su obavezne sa korisnikom sklopiti ugovor o radu na određeno vrijeme koji nije kraći od 12 mjeseci.

NAPOMENA: Kompanije mogu učestvovati u oba programa, pod uvjetom da jedan te isti korisnik ne može biti uključen u oba programa.



4. Ko se može prijaviti?

Poziv je otvoren za sve registrirane kompanije i obrte s područja Gradova Bihać i Bosanska Krupa koje ispunjavaju sljedeće uvjete:

- Registracija u skladu s važećim propisima.
- Solventnost i nepostojanje dugovanja po osnovu javnih prihoda.
- Najmanje tri zaposlena (osim vlasnika).
- Ne nalazi se na spisku sankcioniranih subjekata zbog kršenja prava radnika.

NAPOMENA: Kompanije koje budu odabrane za program će prije potpisivanja ugovora morati dostaviti potpisanu izjavu kao dokaz o ispunjavanju gore navedenih uvjeta.

5. Rok za prijavu

Rok za prijavu je 15. januar 2025. godine ili do utroška raspoloživih sredstava.

NAPOMENA: Budžet za podršku je ograničen. Podrška će biti implementirana do isteka sredstava i shodno najvećem mogućem utjecaju na zapošljavanje.

6. Kako se prijaviti

Ispunite online prijavni obrazac na sljedećem linku: <https://forms.gle/2aVKGcVkJXDN3Q9t1A>

7. Šta slijedi nakon prijave?

Povezivanje kompanija s krajnjim korisnicima programa realizira se na dva načina:

- A. Preporuka krajnjih korisnika od strane PLOD Centra i SzZ USK na osnovu već iskazanog interesa i plana podrške zapošljavanju.
- B. Direktno nominiranje krajnjih korisnika od strane kompanija, uz uvjet da nominirane osobe ispunjavaju uvjete iz poglavlja 1.
- C. Potpisivanje ugovora između PLOD Centra i kompanija kojima su odobreni poticaji.

Za program obuke na radnom mjestu, PLOD Centar će surađivati s kompanijama na identifikaciji potreba za obukom i razvoju individualnih planova obuke.

Nakon završetka programa, kompanije imaju slobodu odlučiti o eventualnom produženju ugovora o radu s polaznicima.

Za sve dodatne informacije i prijave, kontaktirajte PLOD Centar Bihać isključivo putem e-maila: plodbihac@gmail.com. Pridružite se projektu i doprinesite razvoju karijera mladih Generacije Z!

